

天長七年十一月十五日

〔類聚三代格〕五太政官符

應補筑後肥前肥後豐前豐後五箇國醫師事

右得大宰府解僭謹案去神龜五年八月九日格云博士者總三四國一人醫師者每國一人者又寶龜十年六月七日格云太政官去閏五月廿七日奏僭博士醫師兼國者學生勞於齋糧病人困於救療望請每國各一人並以六考遷替畫聞已訖者夫醫師無兼國之任者為有救療之急也今件五箇國去府之程二日以上七日以下吏民之中頓得病患趁著府下勞受醫藥命在呼吸且不及夕對治之途豈可如此乎望請國別減史生一人置醫師一人謹請官裁者左大臣宣奉勅宜停減史生以典藥寮學生及第者補之

承和十二年七月十七日○又見後紀

〔延喜式〕十八部凡日向大隅薩摩壹岐對馬等國島博士醫師者大宰准大學典藥生試才補任副勘籍狀

言上省載季帳申官待考滿叙內位其遷替皆以六年為限其六國學生醫生皆集府下分業教習

〔文德實錄〕九天安元年十一月戊戌右京大夫兼加賀守正四位下藤原朝臣衛卒衛贈左大臣從一位

內麻呂第十之子也○中略九年○承和春正月遷為大宰大貳○中略乃遂赴任先是所管九國三島醫師博

士總府所自任也名實不副天俸有費因上奏云博士執經授業之職醫師合藥療治之最也雖道自有

優劣然事非無緩急何者一夕之命得方則存其生理百年之身失術則墜其天算彼飛鳥之葺草流香

之反魂言於世路是甚急者而今府所任置醫師等未必其人假名居位三藥非共知十療無一驗遂使

病門失望豈是皇度本意乎請至件一色殊依朝選書奏時議容之自此始擢典藥生受業練道者以為

彼管內醫師

〔三代實錄〕七清和貞觀五年九月十五日甲辰右京人大宰醫師正七位上民首方宗○中略等賜姓真野臣